

Broj: JN-02-01-60/21
Datum: 23.07.2021.godine

Na osnovu člana 100. stav (3) Zakona o javnim nabavkama BiH („Službeni glasnik BiH“, broj: 39/14), rješavajući po žalbi ponuđača JP „Vodovod i Kanalizacija“ d.o.o. Zenica izjavljenu na tendersku dokumentaciju, broj JN-02-01-60/21 od 21.07.2021. godine u postupku konkurentskog zahtjeva za nabavku usluga- servisiranje i verifikacija vodomjera, direktor JKP „Vodovod i Kanalizacija“ d.o.o. Sanski Most dana 23.07.2021. godine, donosi

ODLUKU o usvajanju žalbe

I

Usvaja se žalba ponuđača JP „Vodovod i Kanalizacija“ d.o.o. Zenica, broj 105-9344/21 MS od 20.07.2021. godine, izjavljena na tendersku dokumentaciju za nabavku usluga-servisiranje i verifikacija vodomjera, broj JN-02-01-60/21 od 21.07.2021. godine.

II

Postupak javne nabavke, broj JN-02-01-60/21 od 21.07.2021. godine za nabavku usluga- servisiranje i verifikacija vodomjera poništen je Odlukom o poništenju postupka javne nabavke, broj JN-02-01-60/21 od 21.07.2021. godine.

III

Ova Odluka objaviće se na WEB –stranici ugovornog organa www.vik-sm.ba u skladu sa članom 70. stav 6. Zakona o javnim nabavkama BiH.

IV

Ova odluka stupa na snagu danom donošenja.

Obrazloženje

Ugovorni organ je dana 21.07.2021. godine putem e-maila zaprimio žalbu izjavljenu od strane potencijalnog ponuđača JP „Vodovod i Kanalizacija“ d.o.o. Zenica, broj 105-9344/21 MS od 20.07.2021. godine na tendersku dokumentaciju, broj JN-02-01-60/21 od 21.07.2021. godine, objavljenu na portalu javnih nabavki, broj 925-7-2-57-3-9/21 od 08.07.2021. godine za nabavku usluga- servisiranje i verifikacija vodomjera.

Prije nego se upustio u meritorno odlučivanje po žalbi ugovorni organ je pristupio provjeri formalno pravnih pretpostavki za ulaganje žalbe, a koje moraju biti ispunjene na strani žalitelja, kako bi se uopće pristupilo njenom rješavanju, te je utvrdio da je ista blagovremena, dopuštena i izjavljena od strane ovlaštenog lica.

U svojoj žalbi ponuđač JP „Vodovod i Kanalizacija“ d.o.o. Zenica navodi da je dana 12.07.2021. godine preuzeo tendersku dokumentaciju za nabavku usluga-servisiranje i verifikacija vodomjera, broj 925-7-2-57-3-9/21 od 08.07.2021. godine, da je prije izjavljivanja žalbe na portalu javnih nabavki ugovornom organu ukazalo na nekoliko propusta, te da je 14.07.2021. godine u skladu sa predloženim izmjenama ugovorni organ objavio izmjene tenderske dokumentacije. Dalje navodi da je žalitelj ukazivao da je za predmetnu uslugu trebalo predvidjeti e-aukciju kao i da je ugovorni organ izvršio izmjenu tenderske dokumentacije kojom se predviđa e-aukcija ali da istu nije usaglasio sa Obavještenjem o nabavci.

JKP «VODOVOD I KANALIZACIJA» DOO

Meše Selimovića bb
79260 Sanski Most
Tel/Fax.: 037/685-067
Tel/Fax.: 037/682-198

ID Broj: 4263417280001
ID Broj PDV: 263417280001
Matični registarski broj: 1-5248-00
Sud. Reg.: U/I-27/05
Upisan kod: Općinski sud Bihać
Porezni djelovodni broj: 11421139
1990440003144935 Sparkasse Bank
3385402200805836 UCB

Žalitelj predlaže da se žalba u cijelosti usvoji kao osnovana, da se tenderska dokumentacija izmijeni u skladu sa članom 35. Zakona o javnim nabavkama na način da Obavještenje o nabavci sadrži kratke informacije u skladu sa bitnim elementima iz tenderske dokumentacije, odnosno da predmetno Obavještenje o nabavci sadrži podatak o održavanju e-aukcije predviđene tenderskom dokumentacijom, te da nakon izvršene izmjene Obavještenja, ugovorni organ produži rok za prijem ponuda u skladu sa članom 53. Zakona o javnim nabavkama.

Žalba je osnovana.

Na osnovu Odluke o pokretanju postupka javne nabavke, broj JN-02-01-60/21 od 08.07.2021. godine JKP „Vodovod i Kanalizacija“ d.o.o. Sanski Most je pokrenuo konkurenstki postupak za javnu nabavku usluga-servisiranja i verifikacija vodomjera. Obavještenje o nabavci je objavljeno na portalu Agencije za javne nabavke BiH, pod brojem 925-7-2-57-3-9/21 od 08.07.2021. godine.

Dana 14.07.2021. godine u skladu sa predloženim izmjenama zainteresiranog ponuđača ugovorni organ je objavio izmjene tenderske dokumentacije koje su se odnosile na brisanje pojedinih stavki u tenderskoj dokumentaciji.

Dana 16.07.2021. godine ugovorni organ je na portalu javnih nabavki, na zahtjev zainteresiranog ponuđača, objavio drugu izmjenu tenderske dokumentacije kojom se predviđa e-aukcija.

Međutim, sistem nije dozvolio da se prilikom pokušaja u Obavještenju o nabavci izvrši izmjena odnosno ispravka koja bi predviđjela korištenje e-aukcije. Iz tog razloga ugovorni organ je dana 21.07.2021. godine putem portala javnih nabavki uputio dopis Agenciji za javne nabavke u kojem je navedena predmetna problematika, te je istog dana putem e-maila dostavljen odgovor da u sistemu nije dozvoljeno mijenjanje podatka koji se odnosi na e-aukciju, te da ostaje samo opcija da se poništi postupak i da se isti ponovo pokrene. Imajući u vidu ovakav stav Agencije navodi iz žalbe da se u Obavještenju o nabavci navedu samo kratke informacije o provođenju e-aukcije nije dovoljan da bi se uopšte provela e-aukcija.

Postupajući po navedenom mišljenju Agencije ugovorni organ je donio Odluku o poništenju postupka javne nabavke, broj JN-02-01-60/21 od 21.07.2021. godine a ista je donijeta prije nego što je nadležna služba ugovornog organa zaprimila i pristupila razmatranju predmetne žalbe.

S obzirom na naprijed navedeno, odlučeno je kao u dispozitivu ove odluke.

POUKA O PRAVNOM LIJEKU: Protiv ove Odluke može se izjaviti žalba URŽ-u, putem ugovornog organa, u roku od pet dana od dana prijema Odluke.



Dostaviti:

1. JP „Vodovod i Kanalizacija“ d.o.o. Zenica, ul. Školska br. 10, Zenica
2. U spis predmeta
3. a/a